

左恪靖侯奏稿續編

恪靖奏稿續編卷五十四目錄

恭謝 天恩摺

陳湜請賞 賞假六月片

遵 旨陳明擬辦事宜摺

官軍出關分起次第行走摺

穆圖善所部暫緩出關片

請 敕部會議出關官軍應增正餉片

毅軍就食甯夏片

餉需請彙爲一案開單報銷摺

張林請卹賴長請獎片

繪具新疆圖說片

劉松山懇恩追獎片

全福凱撤回旗片

恭謝

天恩摺

奏爲恭謝

天恩仰祈

聖鑒事竊臣於十一月初五日准兵部火票遞到同治十二年十月二十五日內閣奉

上諭昨因肅州克復降旨將在事出力之徐占彪等分別優獎因思陝甘逆回擾亂十有餘載勢極披猖自簡任左宗棠總督陝甘數年以來不辭艱苦次第剿除此次親臨前敵督飭將士克復堅城關內一律肅清朕心

寶深嘉悅自應特沛殊恩用昭懋賞左宗棠著以陞日
總督協辦大學士該大臣前經賞給騎都尉世職亦著
改爲一等輕車都尉世職欽此跪聆之下感激涕零罔
知所措伏念臣荷戈萬里投筆十年受

文宗特達之知躔躋卿貳際

聖主中興之運存擢圻圉隴移師繼草玉調之檄花
門獻馘幸清黑水之塵祇行

天討而申威方愧戎公之未敏乃

榮頒芝綬

寵進槐臺外僚
厠內輔之班
參知政事乙榜
並甲科之選
佐理平章

慶溢而家易勛
階之散騎

賞延于世晉峻
秩於輕輶聞

命自天悚惶無
地荷

恩施之極渥圖
報稱而彌難欽
惟

皇上單心緝學

明目求賢當

璿階之親臨慶
瀛寰之大定道
遵

聖軌式嚴百爾紀綱

治仰

宸謨永奠千秋磐石

臣惟有懷占鼎足吉審師中竭誠

效於驚駘敢耽燕息撫遺黎於瓊霑用答

鴻施甲洗天河願種族同依

日月寅承

帝籙會人文其起風雲所有

微臣

感激榮幸下忱謹繕

摺恭謝

天恩伏乞

皇上聖鑒謹

奏同治十二年十一月初八日

陳湜請 賞假六月片

再臣軍總理營務處布政使銜前山西按察使陳湜稟稱本司家無次丁自咸豐五年效力戎行率師轉戰江右粵西湘楚皖吳各省幾及十年致先人墳墓久未加修且塋母墳時原因山向不利權爲浮厝祇以戎馬奔馳未克請假營地妥塋迨金陵克復適奉

旨補授山西按察使兼辦防務同治八年又奉

旨赴憲轅差委廿載從戎而先靈未妥每一念及五內
徬徨茲幸關隴廓清及此軍務稍鬆應請給假數月俾
得回籍修理先塋安葬母柩一俟事竣仍當赴營聽候
驅策等情前來臣查該司從征四載勞績卓著現值閔
內肅清請假回籍修墓並安葬母柩自應代懇
恩施給假六箇月以慰孝思謹附片陳明伏乞

聖鑒謹

奏同治十二年十一月初十日

遵

旨陳明擬辦事宜摺

奏爲遵

旨陳明仰祈

聖鑒事竊臣於十一月初九日准兵部火票遞到軍機大臣字寄十月二十九日奉

上諭前因肅州克復加恩以左宗棠協辦大學士並賞給一等輕車都尉世職本日復明降諭旨將穆圖善等分別加恩獎敘以示論功行賞用彰勞勛現在閩內肅清隴右大兵雲集自應乘此聲威分路西征景廉駐

紫古城兵力單薄亟應添派勁旅以圖進取金順所部
尙有二十營若與景廉合在一處則兵威較壯景廉本
有請飭金順前赴古城之奏卽著統率各營剋日馳赴
古城相機進剿以期規復烏魯木齊景廉於金順到後
將各隊如何分撥前進之處卽著和衷商辦不得稍涉
意見其額爾慶額馬隊卽著左宗棠飭令隨同金順西
進聽候調遣哈密雖獲勝仗現在是否解圍未據文麟
等續報張曜宋慶所部兵力較厚該提督等久歷戎行
辦事奮勇朕所素知著卽督率所部馳往哈密駐紮會

同文麟明春等相機防剿遇有軍情緩急均准會銜奏
事穆圖善所部馬步各隊久駐涇州徒置無用之地卽
著飭令該統領等分起前赴安敦玉一帶駢紮以爲諸
軍後繼該將軍現在奏請陛見著將各隊分派起程後
再行來見面授機宜以上各軍經朕酌量分派後該將
軍等務奉此旨卽行奮迅前進不得托詞耽延倘有玩
泄從事朕必當按律懲辦決不寬貸至各該軍馳赴關
外糧餉一切及轉運事宜責任綦重必須先事預籌並
督飭地方官悉心經理帶兵大員其勢難於兼顧左宗

棠身任兼所責無旁貸著卽統籌各軍所需糧餉軍火等項每月應用若干寬爲預備陸續轉輸毋令稍有缺乏如果各該軍逗遛不進則罪在主將儻因糧餉不繼致誤戎機朕惟左宗棠是問關外情形究竟若何糧運道路若何鎮迪以東俱總督統轄之地著卽詳細查明會圖呈覽河州狄道回情是否安貼該大臣督辦糧運自應主紮肅州蘭州省城祇有藩臬駐紮是否足恃西甯安插各回衆能否不滋事端並著左宗棠豫師據實具奏左宗棠所部各隊久在邊陲其中疲乏者諒亦不

少自應分別遺撤將得力之師分紮各要害以資彈壓
值此餉項支絀之時尤宜汰弱留強以節糜費欽此跪
誦之下欽仰我

皇上軫念西陲洞燭邊務際此關隴肅清爲邊塞一勞
永逸之計

中命諸將剋期出關疆臣總司糧餉分別責任迅赴戎
機在事文武諸臣懍遵

聖訓敢不殫誠竭慮以求仰慰

宸厪竊維由肅州出嘉峪而西本漢唐師行大道關內

外風上相同非有洪濤巨浸崇山峻嶺足妨戍馬也安
西玉門敦煌近雖遭白逆股匪擾掠一空然使關內之
糧足供裹帶車馱駝隻足供周轉無滯仰給安西出關
之兵何憚不進近時軍情無復以出關爲苦者以此然
徒言出關固尙非難至由安西抵哈密計程十一站千
里而遙經由戈壁無臺站無水草砂磧縱橫人馬每多
困躓中間僅安西城北四站馬蓮井尙可支帳小憩以
備汲飲而亦未可久留過此又七站始抵哈密回城地
暖而腴爲纏頭回族聚居之所軍興以來音耗潤絕近

被曰逆股匪竄擾是否有餘糧足供採買更無從知臣
前在肅與諸軍集議官軍分起次第行南必先將甘涼
採買糧料運存肅州又由肅州出關運至玉門然後頭
起開拔至玉門又用其私駝轉搬玉門存糧以赴安西
騰出官駝官車轉還第二起軍糧而後第二起繼進餘
軍仿照辦理此抵安西州作一停頓又裹糧進哈密如
此層遞銜接人畜之力方稍舒展而士氣常新可免意
外之慮矣至由哈密前進所有糧運事宜斷非臣力所
及自古至今從未有運涼甘肅之糧濟哈密以西軍食

者語云千里饋糧士有飢色言其不宿飽也今涼甘肅之糧運哈密計程實近三千而所歷又皆兵燹之餘砂鹵之地其勞費顧待問哉

諭旨飭金順額爾慶額由哈密進古城與景廉會師金順等至安西州搬齊糧料必一面遣人赴哈密詢訪就近堪資採買者若干以定進止如就近有可設措自不須轉搬安西存糧以節勞費而張曜所部遵

旨進哈密即可籍資其糧以進時距麥熟之期亦當不遠舊糧漸盡新穀旋升後此續進之軍方可相時而動

臣所擬宋慶之軍及臣部精選之軍蓄銳待發自可不誤師期

諭旨飭穆圖善率所部進駐安敦玉爲諸軍後繼

飭臣統需糧餉軍火等項寬爲預備陸續轉輸毋令稍有缺悞穆圖善欽奉

諭旨感激奮興固不待言微臣具有天良又新蒙

特恩至優極渥苟有一籌可展竟敢稍惜心力致煩

聖廑撫衷自問何以爲安顧無如時地足以限之關內之糧搜購無餘非待明秋無從加採而前進各軍能否

就近採買騰關外存糧以供繼進之軍又難懸擬若勉
挪前進各軍糧料以應穆圖善則前進各軍中途缺食
大局不堪設想若不挪前進存糧以應穆圖善續至之
軍一飽無時又將何策以善其後故於接到穆圖咨時
時業將一切實在情形縷悉咨覆請其將隊伍暫駐涇
州平京一帶遵

旨陛見面陳此時急赴安西於大局有損無益確實情
由伏候

聖慈詳示機宜俾有遵循大局之幸亦微臣與穆圖善

之幸也至金順張曜兩軍各有專餉無待臣籌額爾慶額所統吉林馬隊二百騎黑龍江馬隊百騎穆圖善委解存餉三萬兩甚爲充裕其自挑涼州滿營百騎及臣撥交桂錫楨馬隊一營一起臣已各發滿餉四箇月交額爾慶額並撥購到口馬二百五十匹健駝二百隻洋馬礮軍械各件以壯其行出關各軍所需軍火現解肅州者堪資一年之用如遇各軍餉到稍遲必應墊發者臣自當相其緩急應之惟臣軍餉項奇絀久在洞鑒之中如各軍視爲公中糧臺取攜自便無論點金

乏術缺誤必多且將來款目轉轄過多從何銷算此非
由部臣派員專立一案隨時考核嚴切催提不可非臣
力所及也

諭旨垂詢河州狄道回情是否安帖該大臣督辦糧運
自應駐紮肅州蘭州省城祇有藩臬駐紮是否足恃西
甯安插各回衆能否不滋事端亟著左宗棠豫師據實
具奏臣維甘肅一省變亂十餘年被禍慘烈甲於天下
所以然者回變與髮逆捻逆不同而甘回與陝回起衅
緣由又異當時辦法未能苦心分明遂致紛紜日甚不

可收拾也陝回之禍由於漢回構怨已久起衅之故實由漢民而匪回乘機構變並敢戕害團防大臣據地阻兵法難曲貸迨官軍屢予痛剿兇悍首逆馬政和楊文治于彥樸等均已授首悍賊殄滅已多所存無幾

國法已伸其餘首從各逆既俯首輸誠自可概邀

寬典安寘甘境與漢民異處以杜衅端通計陝回七八十萬現存者除白彥虎股內二千有奇此外安插甘境者不過六萬餘衆而已甘回雖不如陝回之悍然人數較多自乾隆年間新教潛入內地久懷不軌詭謀秘計

在入室操戈居心圖謀不軌與

國爲仇橫亘兆數省無所畏忌是法所必誅時不可緩者也辦法宜嚴首惡不可稍縱倖托

皇上福庇事機順利首逆馬化澂父子馬桂源兄弟及馬四等次第伏誅其餘各目懷異志者亦已悉數芟夷而後安西肅州甘州涼州一帶二千餘里並無回族聚處實漢唐以來未有之奇竊計後此疆土能慎擇廉明守令分布各郡縣毋有擾累興教勸學潛移民俗化其愚頑則雖百世相安可也至西寧本蒙漢回番雜處之

區循化貴德巴燕戎格尤多回番而漢民頗少由西甯
徑達關外有路可通不必取道嘉峪臣飭劉錦棠於明
春解凍時親歷各隘擇要修築堡寨調撥兵勇分駐絕
關外相通蹊徑以便盤詰而畫郊圻就回番之情言之
番愚回狡一經不法之徒造謠鼓煽易生事端蓋新定
之區恩信孚洽未久也然一經持平辦理旋即帖服察
看情形轄境均尙安帖不獨河狄也臣宗棠料理糧運
事宜畢仍回蘭州一爲安插肅州漢回難民一爲河湟
客土難民有准於收穫後遷徙安插者應速籌辦理以

期永久一爲欠項積久遺撤無資而蒙

恩飭撥部款百萬兩一時難以速到應及早預爲籌畫
庶明春分別辦理易於措手至糧運事宜繁重仍在得
人而理臣不駐肅州亦可隨時料量耳臣出省時將臣
軍營務交河湟案內擬保陝西遇缺題奏知府並
賞加鹽運使銜張宗翰及總兵范秉誠督辦城防標兵
事交中軍副將崇志料理而總司其成者藩司崇保臬
司楊重雅也幸一切經理得宜民情恬謐城野市肆晏
然無驚俾臣無內顧之憂得以一意辦賊而前敵所需

軍火軍裝軍餉無不應念而至不但毫無缺誤並有臣
未及催提而委解已到者臣竇深資其力合無仰懇
天恩加以甄錄崇保請

賞加頭品頂戴楊重雅請

賞加布政使銜崇志請

交軍機處記名遇有甘肅總兵缺出請

旨簡放張宗翰遇有陝甘道員缺出儘先題奏並

賞加按察使銜閩浙補用總兵范秉誠以總兵記名請

旨簡放並請

賞給清字勇號以示鼓勵出自

恩施謹遵

旨據實陳明一切擬辦事宜恭摺馳

奏伏乞

皇上聖鑒訓示施行

奏 同治十二年十二月初十日

同治十二年十二月二十二日內閣奉

上諭左宗棠奏請將辦理營務城防各員獎勵一摺左宗棠前次出省督兵勦賊派委布政使崇保等在省經

理軍裝軍餉一切均無缺誤尙屬著有微勞自應量予
獎敘布政使崇保著賞加頭品頂帶按察使楊重雅著
賞加布政使銜副將崇志著交軍機處記名遇有甘肅
總兵缺出請旨簡放知府張宗翰著遇有陝甘道員缺
出儘先題奏并賞加按察使銜補用總兵范秉誠著以
總兵記名請旨簡放并賞給博奇巴圖魯名號以示鼓
勵欽此

官軍出關分起次第行走摺

奏爲敬陳官軍出關宜分起次第行走以策全功而糧

運亦可接濟仰祈

聖鑒事竊肅州克復大軍應卽乘勝出關速圖掃蕩人皆知之而能言之微臣始念亦謂巧遲不如拙速及體察軍情詳審局勢竊有不敢輕議者請爲我

皇上敬陳之一在籌出關之兵宜審也通計攻肅各軍金順宋慶徐占彪及臣節次調派馬步各起其六十餘然可謂多矣然攻堅旣久損折實多受傷成廢者亦不下數千之衆皆所稱精銳之選也徐占彪所部蜀軍馬步十三營前後陣亡將士五百餘員名帶傷者二千四

百有奇宋慶一軍亡傷之數近于名而染病物故者亦數百計金順所部步軍卽胡世英之英禮十營本非佳選又由甯夏拔赴涼州時逃亡不少雖幸金順隨時補輯得以成軍每戰身先作其勇氣然陣亡者數百名受傷殘廢者亦數百計此臣在肅時所深悉者肅城克復後臣與諸軍熟商非從新整理難收實效金順宋慶徐占彪均以爲然此飭隨帶之總兵戴洪勝余起立提督金慶元副將歐陽吉星等歸頭品頂戴記名提督譚上連統領併成五營益以馬隊三營駐守肅城修葺城壕

降成雄鎮飭肅州鎮總兵章洪勝接統楊世俊舊部馬
步四營及親兵小隊駐嘉峪重修邊城以嚴鎖鑰並撥
馬步小隊分駐關外以通玉門之氣其玉門靖逆營
擊缺委隨營總兵銜副將陳南波署理安西協副將缺
委隨營提督吳次漢署理敦煌沙州營參將缺委隨營
副將聶福田署理各令挑汰存營孱弱兵丁而募山內
獵戶補之各足一營五百名實數照內地防勇章程以
月餉責其防守本境兼護運道緝游勇臣巡視嘉峪關
畢回肅卽撤徐占彪馬步七營分別回籍挑留精壯併

成馬步六營於肅城外擇水草便利處紮營按日操練亦使其養傷待愈耳時因出關期近諸軍整理需時奏調張曜嵩武軍由鎮番涼州赴肅而嵩武軍到肅後軍食日增甘涼訂買運肅之糧不敷接濟各軍之用不得已商請宋慶率所部回涼州整理兼以就食宋慶又以舊部在豫者多募補易於集事而金順出關在即擬以所部現存精壯聽金順挑補額數俾期捷便臣服其力顧大局深知緩急亟愜私懷旋並撥副將馮桂增馬隊一營布洛期螺絲後膛開花大礮一尊飭總兵鄧增帶

領礮手隨金順出關以從其欲計此時整理就緒壁壘一新矣張曜一軍馬步十四營隊伍整肅士飽馬騰堪稱勁旅臣並益以新製連架劈山礮十尊布洛期二號螺絲後膛礮一尊七響後膛礮十桿其涼州副都統額爾慶額馬隊除自挑涼州滿營百騎外穆圖善撥交吉林二百騎黑龍江一百騎臣慮其單飭總兵桂錫植帶所部馬隊一營一起約四百騎歸其統帶計金張額三軍出關馬步共一萬數千幸皆精實可用數月而後仍可調撥勁軍陸續繼進如此士氣常新而不竭糧運常

裕而不飢以之制關外客土逆回自操十全之算一在
籌出關之糧運宜審也肅州安西其隸一道而產糧贏
絀各屬攸殊肅州及高臺腹地也安西玉門頗多砂瘠
而敦煌爲上腹軍興以來民困於逆回之擾掠復苦於
軍營之捐攤久矣民人存者不過十之三四地畝荒廢
居其大半官軍藉興屯之名先給領籽種牛價抵算採
買糧銀接括抑勒戶口流亡自白逆竄出關外官軍復
沒岡莊被陷安敦玉彫剝之狀較甚從前臣在肅見難
民絡繹入關恐轉徙日多荒地無人耕墾籌銀二萬兩

分給三州縣並撥寒衣萬套賑之冀留此灾黎盡力屯墾庶異時餘糧出糶關外各軍可就近採買稍節勞費也然目前軍食不能取給安西則固不待言甘涼肅素稱腴地頻年戎馬被害最酷自徐占彪偏師徑搗肅州肅回縮退諸軍戡定河湟甘涼道路漸次肅清農民得安耕獲倖獲中稔兩年以來尙供官軍採買然死亡既多川原耕種不過十之三四其旱地更無過問者臣由蘭到肅途間疊據土民紛紛遞呈求免採買比經再三開導除留民食及籽種外諭其悉數出糶勿任居奇幸

三郡民情樸愿又知官軍誓滅此賊且能不擾遂得集有成數通計涼甘肅三郡訂買市斗軍糧十六萬三千餘石按照額徵倉斗則三十餘萬石幾敵通省常年額賦雖優議價值每市斗一石重三百餘斤給銀四兩而民間繳納不前市價驟長每石竟至六七兩之多據甘肅州府縣稟報棍徒喬良廷卽喬鐸李太和造謠煽惑阻納官糧以致市肆抬價居奇貧民糴食無出軍民均困臣察訪得實立飭將喬良廷李太和杖斃並以署甘涼道蕭宗幹辦理顚預撤任查辦訪問局員候選知縣村

輔仁甘標後營都司林長興有侵欺情事交調署甘涼
道黃慶章訊實詳參自此民間交糧乃漸踴躍然以訂
買糧料總數供金順張曜額爾慶額三軍食用及運糧
車馱駝隻防營所需食用算至明歲六月新熟尙短糧
料市斗二萬餘石現擬盡括額徵本色及各標營季糧
陸續填補尙未知能否足敷且甘肅地氣高寒麥秋雖
在六月而民間割麥完畢必應堆積成垛俟其葉糜枯
脫始便碾打上市臣此次七月十九日由蘭州啟行八
月十二日始抵肅州沿途村舍麥垛雖多而繳官上市

者少明歲節候雖早計民間繳納新糧必俟八月陳糧
尙應寬籌兩月底新熟之交得資接濟此籌糧甘苦實
在情形也就轉運言之自涼州至肅州其九百里又自
肅州至嘉峪關至玉門縣三百六十里玉門至安西又
二百里共一千四百餘里路多砂石用駝爲宜惟駝隻
非農所蓄向來民間所蓄惟騾馬生驢以供農事藉應
差徭所有惟木輪大車不耐負重行遠頻年賊回擾掠
牲畜極少差車無供上年成祿出關強拉差車數百輛
甫至玉門車夫棄車逃回并騾馬亦拋置不顧自是更

無從措手臣於夏初派弁三路口採駝三千又偏值
蒙古駝少價昂採獲尙不及一千二三百隻報到者僅
祇六百餘隻臣過甘郡時道府請重價雇用民車每運
糧百斤行百里許給銀四錢其應出差車許給銀二錢
計四十餘日之久民車差車運糧料到局尙不滿三千
石幸臣前調集各營官騾一千六百餘先後到齊起運
勉資周轉而前用民價在蘭州平涼所雇商民車馱駝
隻及袁保恆在河隴辦車輛亦陸續搭運軍裝軍火抵
甘於是轉運稍旺肅州乃有存糧以後可不須重價雇

民車然通計由涼州甘州採糧運肅由肅駝運至安西
州合計民運車駝隻腳價及官車官騾官駝員弁人
夫薪糧牲畜草料口袋什物局費一切攤算每糧百斤
需銀十一兩七錢內外其勞如此其費如此夫豈此時
財力所堪若非預籌撙節而動言用眾恐官軍之餉餽
不繼糧臺之儲峙早空不但後時不能保此不竭之源
卽目前出關之師亦且時憂飢潰此轉運艱難之實在
情形也竊維自古關塞用兵在精不在多方全盛時籌
用兵卽先籌芻粟如漢趙充國古稱名將其駐軍酒泉

卽令之肅州治敦煌卽令之安西州治所籌兵事重屯
田而罷騎兵留步兵萬人藉省大費三奏力諍行之卒
效至今言西北兵事者莫能外也乾隆間先臣兆惠苦
守伊犁數月維時北路兵阻不前其深入者僅精兵數
百卒能力解重圍宣威絕域約計當時北路士馬多亦
不過數千然則道遠運艱不能用眾卽古今承平無事
官私充足時亦無以異可知也今擬出關之金順張曜
額爾慶額所部馬步已一萬數千合之員弁丁役人夫
將近兩萬值哈密解嚴賊蹤向吐魯番一帶竄走師行

二千里尙未知能否及賊若遞擬以大軍接踵前進雖承平無事官私充裕時猶或難之矧當禍亂十年人物雕殘財用匱絕之日乎臣在肅時商之各軍汰疲乏冗雜弁丁以求精資遣傷殘成廢弁兵以省累繁張曜一軍銳氣方新作爲頭起金順一軍次之額爾慶額又次之宋慶一軍整理需時軍裝駝隻均須增添購辦請留俟明年秋後繼發臣并擬於所部整銳足恃諸軍內再精選數千屆時慎擇統將率之同行如天之福甘涼安肅明歲豐稔西師飽騰再分起層遞而前如行旆庶

邊塞肅清可操全算計期不過稍遲數月而局勢穩矣
否則師行荒徼既不能因糧於敵復不能隨地徵糧士
馬苦於長征求一飽而不得正恐未及遇賊軍情先搖
於局勢無益而又害之且戰陣之事最忌於前突後竭
行軍布陣壯士利器厚集於後則前隊得勢鋒銳有加
戰勝而兵力愈增必勝之著也若全力悉注前行一洩
無餘設有蹉跌無復後繼是乃危道詩言縣縣翼翼傳
稱彼竭我盈蓋皆注意後路之說況出關之師所應加
意者不僅哈密以西客土客回似成效不在欲速取威

不僅一戰也區區之愚所爲不能自釋者以此至關外
軍事除景廉每年尙間有緘牘往來餘則并未接過隻
字卽鎮迪一道名雖隸陝甘總督管轄而實則由烏魯
木齊都統及各大臣就近督率公事一切由其主持數
十年前卽是如此臣無從過問所有哈密以西糧運事
宜應由出關各軍到地自行籌畫臣固未能懸揣亦勢
力所不逮非預爲諉謝也謹將籌辦出關事宜據實陳
奏伏乞

聖鑒訓示施行謹

奏 同治十二年十二月初十日

穆圖善所部暫緩出關片

再 臣前奉

諭旨飭於玉門安設轉運糧臺當經 臣

奏請

飭派戶部堂官總司其事以昭慎重旋奉

旨轉運採買非得地方大吏則呼應不靈該大臣素顧大局朕所倚畀不必再派部員以期事權歸一 等因欽此仰見

聖鑒精詳無微不至嗣奉同治十二年二十九日

諭旨著穆圖善飭所部分起前赴安敦玉一帶駐紮以爲諸軍後繼該將軍見在奏請陛見著將各隊分派起程後再行來見面授機宜等因欽此查穆圖善所部吉林黑龍江馬隊新舊合計千餘騎尙多驍健所部步隊多楚蜀勇丁此外河狄之人卽甘肅所稱黑頭勇也均難得力臣自度隴以來未見獲勝一次河州敗歸未見其出隊一次穆圖善赴陝時又廣收游勇補額卽原奏所稱精壯間勇者也此輩霜染軍營惡習已深又何足

恃若率以出關竊慮難與圖功且恐有礙大局無論冗
雜之軍虛糜至艱之餉實爲可惜也此時距明年收穫
之期尙遠金張額三軍外糧無可加採駝騾無可加運
固不能爲穆圖善另籌軍食卽明年收穫豐稔而所擬
續進之宋慶全軍及臣部又當藉資新糧恐亦難指供
穆圖善之軍區區之愚竊謂穆圖善所部步隊旣不足
恃可否將宋慶整理之軍及臣部精選之軍屆時併交
穆圖善總統前進仍帶所部吉林黑龍江馬隊欽遵
諭旨駐安敦玉一帶以爲後繼督辦轉運事宜以昭慎

重其採糧一切臣自當飭屬妥爲經理斷不合其掣肘
穆圖善

陛見時應否

飭令將所部駐紮涇州一帶步隊概予撤遣以節虛糜
謹據實附片直陳伏候

聖鑒訓示施行謹

奏

同治十二年十二月初十日

軍機大臣字寄 同治十一年十二月二十二日奉

上諭左宗棠奏出關官軍宜分起行走并遵旨籌擬轉

運事宜暨請飭穆圖善將所部暫緩出關各摺片覽奏
均悉官軍攻克肅州後亟應乘勝出關速圖西進左宗
棠擬令張曜一軍作爲頭起金順額爾慶額兩軍次第
起行宋慶一軍暫回甯夏整理軍裝各項請俟明年秋
後與該大臣精選之軍陸續繼發所籌不爲無見卽著
飭令各軍分起前進迅掃逆氛該軍糧運事宜仍著該
大臣妥爲籌畫俾收飽騰之效糧臺事極繁重固在得
人而理如有必須該大臣前赴肅州親爲料簡之處仍
應馳往督辦省垣一切事宜據奏有崇保等經理得宜

自可無慮張曜各軍人數將近兩萬兵力不薄而遠道籌糧實非易易穆圖善所部著暫駐紮涇州平涼一帶並著將所部步隊概行撤遣仍帶所部吉林黑龍江馬隊俟來年宋慶一軍整理就緒及左宗棠精選之軍派員管帶後併交穆圖善總統前進扼紮安敦玉一帶督辦轉運事宜其採糧一切仍著左宗棠飭屬妥爲經理所有應撤步隊著穆圖善妥爲遣散勿令滋生事端官軍見經分起出關軍行糧隨不容稍有缺乏左宗棠以糧運進抵哈密已經層遞銜接始能運到由哈密前進

糧運事宜勢難兼及亦屬實在情形將來各處官軍由哈密節節進剿應如何就地籌畫之處著景廉文麟明春慶肅與金順額爾慶額張曜宋慶臨時酌度情形妥爲辦理左宗棠仍當隨時察看力籌兼顧以期無誤軍糈見在安西肅州甘涼一帶回匪悉數殲除地方均已安貼該大臣當將應辦各事宜次第妥爲籌布以竟全功景廉見在古城該處地方爲西路進兵要道古城領隊大臣一缺并其餘各城員缺刻尙虛懸如需請旨簡放卽著景廉迅速具奏左宗棠請將崇保等獎勵之處

已明降諭旨照准矣另片奏請將該大臣所得一等輕
車都尉世職追賞已故提督劉松山等語亦經明降諭
旨將劉松山加賞一等輕車都尉世職令其嗣子承襲
該大臣請將所得世職推讓之處著毋庸議將此由六
百里諭知左宗棠金順穆圖善景廉文麟明春額爾慶
額并傳諭慶壽張曜宋慶知之欽此

請 敕部議出關官軍應增正餉片

再用兵之要先審軍情古人所以於擇將時兼聽輿人
之誦也此次諸軍乘勝出關士氣倍奮況諸統將新承

恩旨受

寵若繫所部樂事赴功自不待言惟餉饋盈絀隱繫軍情有急須體察者各軍餉事均由協餉省分解濟本有一定數目其解到多寡實數並無由知然嘗詢之金順張曜宋慶得其大畧以協餉實數按照員弁兵勇長夫均勻攤算計每名每年可得實銀三十餘兩餘除留備製造添補軍需軍裝購買駝隻之用別無餘賸至糧料價值轉運腳費按道里遠近牽算計每人所食月須淨糧四十五斤馬隊一騎日須料五斤草十二斤兵勇長

夫兩名所須食糧月須九十斤均不可少照步軍攤算
馬隊一營二百五十騎抵步隊一營五百人長夫二百
名之數其大畧也各軍馬步兵勇每月應得實餉僅止
三兩有奇若按照食用糧料價腳攤扣則馬步兵勇將
所得實餉盡數賠繳尙須找銀繳局萬無是理若不按
名按騎攤扣則糧料價值轉運腳費等項又將何出應
懇

天恩敕下戶部兵部會議出關各軍應得正餉每名每
月若干兩責成協餉省分按數如期解濟此外糧料價

值運卹共計需銀若干兩或責成協餉省分按月搭解毋得延誤如協餉省分力有不及務須及早奏派隣省按月劃款協濟不令虛懸庶出關之軍餉饋均歸有著雖遠道轉戰無殊近履階庭軍情益奮諸統將亦得所藉手以圖報稱壹意整軍討賊勿敢遷延功效可必而朝廷以餉饋充絀課其赴機遲速法行令肅於軍政實有裨益應

敕下戶部揀派明幹司員將出關各軍餉需專立一案按月稽覈具報如協解省分稍有遲誤及餉到而各軍

境或陝省北山一帶漢回無仇漢民較少荒地較多之處徙漢置回暗寓徙戎之意方可以規久遠而免後患則移徙漢民有費安插降回有費陝甘接壤之區飢民難民相率爲盜股數衆多官軍進剿或環跪乞命求予生路情寔可矜亦須安插賑濟則收撫從匪窮民又有費臣雖駐秦剿回軍事已漸及甘境若剿撫得手正宜籌發牛具籽種興懇荒地則興辦屯田又有費甘省兵多餉少其應裁撤者須及時酌撤卽陝軍亦有可撤者均以積欠太巨欲撤不能徒增積欠若再因循將愈不

可收拾則撤遣勇營更需鉅費此陝甘全局需用極繁
必須及早寬籌之寔在情形也本年各省協餉其經借
洋欸省分除抵撥洋欸外欠解尙不甚多惟廣東掃數
撥解福建則並提前解至七年二月止此外惟江西按
月撥解各督撫臣力顧西陲危局源源接濟寔深賴之
惟陝甘需用殷繁此後若仍俟各省按月解濟則隨到
隨盡必無應手巨欸堪以斟酌緩急隨時妥辦擬援本
年三月間

奏借洋欸成案再田江蘇浙江福建湖北廣東各海關

留各營餉項以爲敷衍之計新舊各營餉項已積欠三四五月不等近派馬隊赴晉省東路發給兩月行糧驟提銀五萬餘兩瞬屆年終各營稍事點綴所留供湜注之各營存餉亦無錢矣而需用繁亟更倍徙於初入秦時歲歉糧貴不得不預爲廣購以供來歲軍糈四月間四月之糧雖可待楚米運濟其來春三箇月軍食不能不就地先爲採儲秦省今歲昂貴異常計籌買三箇月糧所費寔屬不貲祇此勻留各營存餉不以購糧則來春糧價日益騰貴欲購更難以之購糧則開正以後將

並各營鹽菜銀兩亦無從籌發若移師入晉則糧價運脚所費尤鉅此來年春季臣軍需用迫切之寔在情形也陝甘回逆屬聚慶涇一帶陝回有具稟求撫者臣以其情詞雖切而不繳馬械攻堡掠糧如故且所稟求歸原籍萬不能准乃就前發分別勦撫告示逐條詰責指其罪狀示以生路仍一意進勦匪回以免墮其計中回之求撫雖屬寔情但撫回與撫髮捻不同撫陝回尤與撫甘回不同籍隸西回鳳各回衆與漢民仇隙既深必不能相安無事自無准其回籍之理計惟於近陝之甘

之師會剿一調北路之軍由涼甘徑擣肅州一調中路之軍由平番碾伯橫埽西甯蹕逆而中路北路南路各留防軍擇要分駐鎮壓披蒿築築堡寨開道路設窩鋪輯流亡興兵屯以捕逸回以護商旅以防運道以緝游匪幸

皇上福威五年之間關隴全境次第肅清而地方善後諸策亦皆具有端緒此固

陛見而陳時始願不及者也關隴肅清亟應辦理

奏銷以重欸項謹擬自閩啟行入閩赴燕齊旋復入關

度隴分兵剿賊截至肅州克復全局底定止彙爲一案仰懇

天恩准其援照兩江貴州成案開單報銷俾得覈實辦理庶事歸簡易得免欺飾之愆此臣所日夜冀倖者也綜計微臣師行八省以至關隴全境無論經過何地所需軍食用夫馬一切均自行備辦覓雇概照民價發給未嘗以絲毫供支累及地方亦不准各省地方官藉口支應兵差爲開銷張本所歷關隴各地方禍亂之餘公私困弊關中戶口雕耗尙覺畧有生機隴則遍地傷殘

白骨黃茅炊烟斷絕不但民力無可藉資且須急籌賑撫俾延喘息以廣招徠他如兵勇斷餉文武停止廉俸已閱十年均須隨宜分潤暫顧目前主客各軍遇有缺乏均宜隨時接濟以維大局近因道路疏通來往要差例差出其途者漸多地方無力供支均宜籌款代辦以免貽誤而驛站之急宜安設城堡之急宜修復固不待言也至撫輯遺黎安插良回遷徙難回督令耕墾多設義學尤當務之急畧舉之僅止一端備陳之莫能殫述舉百廢於戎馬倉皇之時艱難拮据不問可知若一二

專案疏請經費雖

皇上仁覆天下不難

特沛恩施而部中責有專司不得不概援各省成案以爲准駁卽幸指撥有款各省能否照解又未可知展轉停待事之寢閣必多民之彫殘日甚若各設局經理則局費多糜實濟棚少反覆熟思從長計議皆於見在時勢多所窒礙不能仿照各省成案辦理萬不獲已於協餉中通融挹注聊資補救圖之數年而微效可觀者尙不過十之三四其地方被禍最烈且有不逮此數者微

臣力瘁神疲不遑自惜卽局外議論亦祇聽之耿耿此心天人共鑒領通融移撥多非准銷欸項據實瀆陳既不合通行之例那掩湊合更蹈欺罔之尤又厯年旣久經手各員半已星散遣撤各營無可訪詢以事勢論之亦實非開單報銷不可謹擬入關以後肅州克復以前彙爲一案開單請銷其關外糧運餉需賑撫各項則別立一案辦理以清眉目是否有當伏候

皇上聖鑒訓示施行謹

奏

同治十二年十二月初十日

硃批著照所請該部知道欽此

張林請卹賴長請獎片

再臣於同治十二年十二月初十日附

奏肅州陣亡各員請

卹一片十一月二十四日欽奉十月二十四日

上諭陣亡副將銜儘先遊擊張林未據聲請卹典著左宗棠等查明具奏等因欽此查張林一員前於八月十六日帶隊攻城肉薄先登被城賊鎗傷復受創血戰身帶矛傷數處立時殞命深堪悼惜之至臣前奏漏未請

卹實屬疎忽又正招請獎各員內原稿遺列總兵銜留
閩補用副將賴長查賴長廣東人係臣在閩舊部夙有
巧思仿造西洋鎗礮製作靈妙臨陣膽力均優戰功屢
著洵保今職上年調赴甘肅設局監造新式鎗礮嗣分
赴肅管放布洛斯開花螺絲後膛大礮制準施放轟坍
城樓城垣數處斃悍賊約數百名實屬尤爲出力臣於
奏報攻克肅城案內亦漏未列保均由臣力疾從戎一
時思慮未周致多差謬咎無可辭合無仰懇

天恩俯准

敕部將張林一員照副將陣亡例從優議給

卹典以慰忠魂花翎總兵銜留閩補用副將剛安巴圖魯賴長請以總兵記名遇有福建總兵缺出儘先題奏以示鼓勵謹附片陳明伏乞

聖鑒訓示施行謹

奏

同治十二年十一月初十日

硃批著照所請該部知道欽此

繪具新疆圖說片

再臣欽奉同治十二年十月二十九日

寄諭鎮迺以東俱總督統轄之地著卽詳細查明繪圖
呈覽等因欽此臣遵卽查明地勢繪具新疆總圖惟邊
陲軍務尙殷繪工裝飾諸不合式且地非親歷難期確
鑿亦未能仿照分率開方諸法躬親摹寫未便進

呈謹撮大畧繪具圖說咨送軍機處存備

御覽理合附片陳明伏乞

聖慈曲垂

鑒諒謹

奏 同治十二年十二月初十日

硃批知道了欽此

劉松山懇

恩追獎片

再前廣東陸路提督劉松山忠勇絕倫爲時名將同治十年二月十一日臣曾

奏請

追獎勞

臣以昭激勵是年二月二十八日奉

上諭已明降諭旨賜祭一壇以慰忠魂俟甘省軍務一律肅清屆時再降恩旨該大臣請將加賞騎都慰世職追賞劉松山令其嗣子承襲之處著毋庸議等因欽此

見在閔內肅清臣忝荷

特恩以陝甘總督協辦大學士并將騎都尉世職改爲一等輕車都尉世職時論均爲歆羨臣心彌深慚悚欲瀝忱懇辭既恐負

高厚生成之德又懼貽矯情立異之譏然自忖功微

賞鉅輒有不能自釋者伏念劉松山前由豫省轉戰陝北撫用降人徑趨靈州吳忠堡直逼金積力扼賊吭深陷重險百戰百勝雖遇伏捐軀而毅魄英魂猶足寒梟雄之魄隴事轉機實肇於此該提督身後兒子道員劉

錦棠接統舊部克承先志歷著戰功靈州既平復立平
湟偉績此次聞臣赴肅督勦憂臣衰病或有差失卽簡
銳卒徑赴甘州聽調肅州首要各逆及著名悍賊悉就
殄除寶資其力亦何莫非劉松山遺烈也臣追維劉松
山報

國之忠戰績之偉與臣許與之誠至今每一追思猶爲
隕涕合無仰懇

天恩准將

賈加微臣

一等輕車都尉世職合之劉松山原得之三

著免補遊擊以參將仍留陝西儘先補用並賞加副將
銜胡桂廷著免補遊擊以參將儘先補用並賞加副將
銜田九福著免補遊擊以參將留於陝西儘先補用並
賞加副將銜都司賀雲陶等均著免補都司以遊擊儘
先補用賀雲陶並賞給驍勇巴圖魯名號張立德著賞
換花翎江三元等三員並賞加參將銜遊擊羅成魁著
賞加參將銜都司譚法青著免補都司以遊擊儘先補
用並賞給彪勇巴圖魯名號守備張大林楊榮貴均著
免補都司守備以遊擊儘先補用張大林並賞換花翎

周福貴著免補都司以遊擊留於甘肅儘先補用並賞
換花翎守備陳得時等均著免補都司守備以遊擊儘
先補用內史得夢並賞換花翎劉萬明著免補都司守
備以遊擊留於陝西儘先補用馬正揚等均著免補守
備以都司儘先補用馬正揚等七員並賞加遊擊銜馬
正揚等四員並賞換花翎鄒占春並賞給迅勇巴圖魯
名號趙楚南等均著免補守備以都司留於陝甘儘先
補用並賞加遊擊銜雷開明著免補守備以都司留於
陝甘儘先補用並賞加游擊銜賞換花翎千總莊偉等

著免補千總守備以都司儘先補用並賞換花翎左執
贊著免補千總守備以都司儘先補用並賞加遊擊銜
譚用賓等均著免補千總守備以都司儘先補用並賞
換花翎高必達等均著免補千總以守備儘先補用並
賞加都司銜賞換花翎把總賈永清等均著免補千總
把總以守備儘先補用並賞換花翎內喻文定並賞加
都司銜軍功胡德等均著免補外委把總以千總儘先
拔補並賞戴藍翎馬榮著免補外委以把總儘先拔補
並賞戴藍翎知府羅長佑著免補本班以道員仍留陝

西遇缺儘先題奏並賞加按察使銜黃光達著免補本班以道員仍留陝西儘先補用候補同知直隸州知州袁世齡著免補本班以知府仍留浙江歸軍功候補班前補用並賞加鹽運使銜知縣胡焜著免選本班以知州分發省分歸候補班前補用並賞戴花翎蔡掄科著免補知縣以知州分發省分歸候補班前補用並賞戴花翎府經歷虞志雲等均著免補本班以知縣仍分發省分歸候補班前補用並賞加同知銜賞戴花翎縣丞劉式南等均著免補本班以知縣仍分發省分歸候補

軍機大臣 字寄同治十二年十二月十三日奉

上諭景廉奏西路官兵剿匪獲勝古城防務喫緊請飭金順速進助剿并賊擾軍臺請飭科布多就近剿辦安設臺站各摺片覽奏均悉徐學功率領練勇在三道廠子地方截擊竄匪獲勝實屬奮勇可嘉本日已明降諭旨將該員照所請獎勵矣逆首白彥虎等見已竄入瑪納斯并勾結迪屬回匪勢漸鴟張或西撲沙山子或東犯古城均在意中巴里坤屬之紅柳峽等處亦有竄匪滋擾濟木薩迤西三臺地方復有逆回假充兵勇搶掠

之事景廉一軍駐紮古城有四面受敵之勢情形殊爲
喫緊前經諭令金順帶同額爾慶額督兵出關前赴古
會同景廉剿匪刻下當已布置就緒卽著該將軍剋日
拔隊起程馳往剿辦毋得稍事逗留貽誤事機其需用
車馬并糧運事宜著左宗棠督飭地方官妥速籌辦以
利師行景廉見派孔才帶兵赴三臺剿賊著飭令該統
領實力剿擊迅殲賊股沙山子爲西路要地儻該處被
賊踞擾關繫甚重逆首白彥虎既有撲犯沙山子信息
官軍自應迅往扼防以杜窺伺景廉已咨會錫綸率隊

進紮并請飭榮全令孝順帶所部會勦李順見汪沙灣
距沙山子不遠卽著榮全檄飭迅速會合錫綸進兵痛
殲匪類勿任蔓延兵機旦夕異宜辦理尤貴迅速若得
請旨飭行往返稽遲恐致貽誤嗣後景廉於就應各軍
如有應行調撥之處卽由該都統調遣以期便捷無稍
拘泥科布多屬軍臺前被賊擾臺兵潰散景廉軍營道
路阻隔業據托倫布等奏稱科屬已無賊蹤該署參贊
等飭將烏梁海等處各臺一律安設齊備并查明被難
蒙古分別撫卹卽著托倫布等迅速籌辦以通臺路將

此由六百里各諭令知之欽此

格靖奏稿續編卷五十五目錄

出關各軍餉數及糧科運腳請

飭部議招

嵩武軍開抵玉門片

劉厚基等請予開復片

明春軍餉請由金順分撥片

遵保出力員弁摺

敖天印請開復原官片

遵 旨開單報銷摺

出關各軍餉數及糧料運腳請

飭部議摺

奏爲出關各軍餉數及糧料運腳歷經陳明應由戶兵
兩部會議仰祈

聖鑒事竊臣前奏出關諸軍餉餼盈絀隱繫軍情急須

體察一片欽奉

硃批該部速議具奏旋准戶部鈔錄原摺奉

旨依議欽此

臣維出關諸軍現惟金順張曜額爾慶額

三起除額爾慶額所部馬隊由穆圖善派交吉林二百
騎黑龍江一百騎額爾慶額自挑涼州滿營百騎外臣

撥交總兵桂錫楨馬隊一營一起共三百七十五騎歸
其統帶應領月餉糧料運腳等項穆圖善撥交者由穆
圖善支應桂錫楨一營一起由臣支應其涼州滿營之
一百騎亦由臣支應不計外張曜一起步十二營馬二
營業經張曜開報其糧料運費由河南支應金順併統
成祿舊部馬步雖名三十餘營然步隊照五百人一營
實數馬隊照二百五十騎一營計算金順自定二十營
此外又由臣撥交副將馮桂增馬隊一營總計金張額
三軍馬步約共一萬七千餘名騎并明春所帶成祿舊

部二千餘名騎合計在內加之員弁丁役人夫則近兩萬矣以糧料價值轉運腳費而言計由涼甘採運肅州由肅州轉運玉門安西州所需民運車騾馱隻腳價員弁人夫薪糧牲畜草料口袋什物局費一切均勻攤算每糧百觔約需銀十一兩七錢上下料價稍減而腳價則一運道近則腳價猶少運道遠則腳價增多現籌出關轉運腳價多於糧價數倍者兵燹之後人物彫殘絲毫不能借資民力與承平時迥異無論子還之民尙須官賑賑糧尙須官運也臣於上年十二月初十日拜發

各摺片業經詳細陳明而以餉餉盈絀隱繫軍情急須
體察懇

飭戶部兵部會議者以此茲戶部奏稱向來各路軍營
需及一切雜支均由各該大員酌量情形查照例章覈
定數目奏請由部指撥從未有先由部臣核定者又稱
出關各營共計幾營每營弁兵若干每月所需正餉若
干其糧料價值運費按照時價貴賤道里遠近計算共
需若干戶部均屬無從知悉請

旨飭下左宗棠查明出關各營弁兵實數所需正餉糧

料運腳等項按照例章并體察關外情形每月實在需
銀若干及出關各營原撥餉項分晰聲敘先行奏明
維現在出關各軍除額爾慶額馬隊各營由臣與穆圖
善撥交其餉糧轉運腳價由穆圖善與臣餉項內照舊
劃給毋庸另籌宋慶一軍正需整理暫毋庸議其金順
一軍除臣撥交馮桂增馬隊一營餉項亦由臣劃給毋
庸另籌其自統各營及接統成祿舊部馬步共二十營
張曜所部馬步十四營已經陳明在案惟臣於金順張
曜宋慶各軍餉項餉章無從知其詳細上年在肅昭談

僅得其梗槩部議向來各路軍營餉需及一切雜支等項均由各統兵大員酌度情形查照例章覈定數目奏請由部指撥是金順等應奏部臣應撥與臣無干白可無庸置喙其糧料價值時估不同斗石大小斤兩輕重互異以及轉運里數遠近均經臣據實陳明若逐項分晰聲敘未免繁瑣且金順至古城張曜至哈密一切又須從新算起諸軍有無例章可查情形應由其酌度數目應由其核定臣亦無能代籌也臣前因各軍馬步兵勇所得實餉僅三兩有奇按照糧料價值攤扣儘數賠

糧尙須找銀繳局若不攤扣則糧料價值轉運腳費等項又將無出原係實在情形事繫軍情既有見聞不敢緘默故將餉數糧價運腳詳悉陳明上瀆

聖取請

飭部會議一免諸軍藉口一期迅赴戎機至應否酌中定議諸軍餉饋均歸有著之處無可查照無從核定仍應山戶兵兩部會議除鈔摺咨明戶兵兩部外謹據實直陳伏乞

皇上聖鑒訓示施行謹

奏同治十三年二月十六日

硃批該部議奏欽此

嵩武軍開抵玉門片

再准廣東陸路提督張曜械稱所部嵩武軍已於上年十二月二十二日開抵玉門沿途經過村堡悉成瓦礫地畝荒廢其遺黎力能自耕者不過十之一二餘俱流離顛沛等因緘請

奏報前來臣查安敦玉地方彫劫情狀及籌銀餉辦賑撫各情前已據實陳明在案惟張曜一軍既抵玉門暫

紫所需軍食臣當檄催甘涼安肅兩道督飭印委各員
加緊灌運出關俾能前進謹先將嵩武軍開抵玉門日
期附片具陳伏乞

聖鑒訓示謹

奏同治十三年二月十六日

劉厚基等請予開復片

再陝西延榆綏鎮總兵劉厚基於同治八年因諛報逆
目袁大魁死狀經臣奏奉

諭旨撤銷記名提督並去西林巴圖魯勇號暫留本任

又升用提督記名總兵王雲孚於同治十一年因剿匪不力經臣奏奉

諭旨摘去頂翎以觀後效嗣查該員等自獲咎以後均知愧奮於陝北各要隘實力設防殲除零匪立功自贖合無仰懇

天恩俯賜將撤銷提督勇號之留任延榆綏鎮總兵劉厚基開復記名提督

賞還西林巴圖魯勇號王雲孚一員開復頂翎以示獎勵謹附片具陳伏乞

聖鑒訓示謹

奏同治十三年二月十六日

硃批著照所請兵部知道欽此

明春軍餉請由金順分撥片

再臣欽奉同治十二年十二月二十七日

寄諭明春所統健銳全軍已抵哈密該軍餉需向山西
征糧台每月撥銀七萬兩歸金順收放刻下全軍業已
抵哈需餉甚亟著左宗棠飭令西征糧台委員將應解
該軍月餉銀七萬兩除吉江兩營馬隊月餉銀一萬兩

仍解歸金順支放外其餘銀六萬兩卽徑解交哈爾濱
明春自行支發俾免周折并著迅行籌撥四五箇月餉
銀委員由驛路解運等因欽此臣維健銳全軍本前烏
魯木齊提督成祿舊部其月餉向由四川湖北陝西三
省協濟解交西征糧台轉解成祿交卽後金順接統所
卽各省原協成祿月餉卽改解金順軍營歷經戶部奏
咨有案是健銳軍餉由金順總司收支其餉事并未與
金順劃分也茲奉

諭旨飭西征糧台迅撥明春四五箇月餉銀自應欽遵

轉撥惟明春月餉從前既未與金順劃分此時西征糧
台遇各省解到協餉又已隨時儘數轉解金順茲奉
諭旨飭將應解該軍月餉七萬兩以一萬兩解金順六
萬兩解交明春先其所急然解明春之餉必由金順軍
營經過可否暫解交金順酌量分撥仍由戶部指明原
協省分將金順明春應得月餉劃清界限以免轉轉之
處應候

聖裁至金順由肅進發將來由玉門安西遞進古城必
與明春相值遇有解到之餉儘可隨時酌量分撥臣前

接金順械開因協餉遲到需借鉅款料理出關比於無
可騰挪中勉湊湘平銀十二萬兩派總兵張棟祥副將
易文舉於正月初八日解赴金順軍營以應急須西征
糧台正月亦有轉解該軍之餉明春餉項暫由金順酌
撥自不爲難此後各省協濟該軍餉銀按月如數到台
台中自必隨到隨解不致遲誤如該軍協餉不能以時
到台臣軍餉項現因籌撥兵勇日形支絀該台祇能代
爲催提勢必無款籌墊除咨辦理西征糧台袁保恆查
明金順明春協餉各省按月所解若干逕行馳奏外謹

先附片陳明伏祈

聖鑒訓示謹

奏同治十三年二月十六日

硃批著照所請該部知道欽此

軍機大臣 字寄同治十三年三月十八日奉

上諭金順奏料理出關事宜暨查拏黎獻所部潰勇各
摺片金順現派提督劉宏發統帶禮字五營作爲前隊
徑赴巴里坤續購駝隻此時計已到營卽著親督馬步
各營前往安西一帶暫紮迅將存儲玉門之糧運赴安
西剋期拔營西進馳赴古城與景廉籌商進取毋再耽
延致誤事機托雲佈等所統各營亦卽飭令接續前進
以厚兵力金順出關後該軍轉運事宜仍著左宗棠隨
時力籌兼顧俾免缺乏額爾慶額張曜何時出關并著

該大臣將糧餉轉輸各節議法兼籌毋稍推諉前據李瀚章左宗棠先後奏稱道員黎獻帶勇未能得力所募勇丁亦不足恃曾諭景廉查奏今黎獻所募之勇暫禁肅州不過二百餘人尙未出關已有糾夥潰散並鎗斃提督于奇泮情事不法已極除首犯汪福齋等業經金順孳獲正法外在逃未獲各犯著左宗棠金順飭令沿途地方官及各路防軍一體緝拏務獲嚴行懲辦毋令漏網黎獻所部勇丁潰逃辦理不善咎實難辭著先行交部議處并著景廉認真察看如黎獻實難得力卽行

據實奏參毋稍遷就未逃勇丁應如何分別遣留並著酌度辦理原片著抄給景廉閱看金順另片奏調防禦恩澤差委已諭巴揚阿飭令該員赴營矣將此由五百里各諭令知之欽此

軍機大臣 字寄同治十三年四月初二日奉

上諭景廉奏出關軍糧請仍由關內轉運並摺件未奉
批回各摺片前據左宗棠奏金順等軍分起出關所需
軍糧僅能運至哈密其由哈密前進糧運請就地籌蓄
當經諭令景廉等酌度辦理茲據奏稱哈密至古城千
有餘里各城兵燹之後田地荒蕪民間存糧無多尙須
供支駐紮各營軍食金順所部月需糧料三千石若添
此鉅數實屬力有不支且存營駝隻爲數無多不敷周
轉請飭仍由關內轉運等語所奏自係實在情形卽著

左宗棠統籌全局酌量分設糧台籌措駝隻將金順等
軍糧石仍由關內設法籌解直達古城該大臣素願大
局務當力任其難源源接濟俾收飽騰之效至該都統
所稱上年六月初九日所發摺報二件日久未奉批回
本日已諭軍機處將所奉寄諭批旨抄示並令兵部將
明發諭旨行知矣將此由六百里各諭令知之欽此

軍機大臣 字寄同治十三年六月十六日奉

上諭金順奏督師出關請由關內運糧接濟並懇飭部
先挪實在巨款各一摺據稱提督劉宏發現經金順派
令統帶各營由巴里坤馳往古城副都統額爾慶額已
於五月初九日出關帶隊赴古金順酌帶馬步各隊西
進暫紮安西屬境請由關內轉糧接濟等語金順所部
各軍全隊西行軍糧最關緊要現在巴里坤古城等處
產糧無多須由關內及安敦玉等處運糧接濟方可無
誤軍食著左宗棠將該軍及額爾慶額一軍所需糧石

源源運解毋令缺之劉宏發及額爾慶額各營刊古後
即著景廉籌糧供給以期士飽馬騰并著飭令劉宏發
等會合各軍實力防剿迅捕逆氛張曜全隊現在行抵
何處宋慶暫駐甯夏轉瞬秋涼布置計均就緒著左宗
棠將各該軍糧運設法妥籌一面飭令陸續西行以厚
兵力撥金順奏該軍後隊未能接連開拔所需月餉運
費等項頗形緊急非得巨款難資集事請飭部於庫存
四成洋稅項下先行借撥銀一百二十萬兩分爲兩批
解至綏遠城將軍衙門收存轉運卽於積欠金順軍餉

丙由部指撥東南各省歸還庫款等語著戶部速議具
奏至各省關奉撥金順軍餉欠解尙多并著該部咨催
迅解毋任延宕將此由六百里各諭令知之欽此

遵保出力員弁摺

奏爲遵

旨彙保邊平西甯府屬回逆立解府城重圍克復大通
縣城肅清邊境安輯回番在事出力文武各員弁恭摺
仰祈

聖鑒事竊臣於同治十一年二月奏西甯府屬貴德及
丹噶爾兩廳防剿陝回屢挫兇鋒請彙保出力官紳練
丁一片三月十一日准兵部遞回原片奉

上諭准其酌保等因欽此十一月奏西甯府城解圍一

續編卷三
同治十一年十二月二十日奉

上諭其餘出力員弁勇丁著准其彙案保獎等因欽此
十二年二月奏官軍克復大通縣城一摺三月十一日
奉

上諭此次出力文武員弁著准彙入前次各保案奏請
獎勵等因欽此 臣維回逆馬桂源充當西甯花寺回教
阿訇署西甯府事馬本源署西甯游擊代行總兵事自
稱管帶土回團丁保守城池實則陰結陝回潛謀不軌
益逆種之涵濡卵育如此者已歷數世矣逆渠馬尕三

死後馬桂源馬本源兄弟繼之又得權文武職任宛
更張上年馬桂源赴臣營佯爲陝回乞撫實則偵探軍
情冀緩師期以固黨援而衛巢穴臣令道員劉錦棠率
所部老湘全軍知府銜甘肅卽補直隸州知州龍錫慶
率所部綏定營由碾伯前往察辦復派提督劉明燈等
各率所部繼進以備策應而護餉運該逆等因計不得
逞乃嗾其死黨顯然抗拒出城築壘綿亘數十里由城
外逾小峽日抵大峽口憑倚重嶺夾扼湟流內逼堅城
外抗勁旅劉錦棠身率各營冒險急進大小百餘戰攻

克大小峽口破賊營寨百餘立解城圍劉明燈等以次
繼進肅清後路而後數十年稔惡積寇始除西甯平定
劉錦棠移攻大通先克向陽堡繼復大通縣城誅斬寇
目數百悍賊數千而後賊之去路始斷該逆等窮蹙益
甚率其家屬死黨逃竄河州巴燕戎格尋被官軍擒獲
檻送省城盡法懲處家屬下獄西甯所屬一律款平漢
蒙回番各安生業所撫回目崔偉禹得彥畢大才等自
就撫後傾心效順厥後隨同官軍攻克肅城搜捕餘匪
均各殫誠竭力踴躍爭先盡震於兵威而又知去逆效

順之終有生路也所有在事出力員弁將士實屬戰績
昭彰未容掩抑茲據各軍開單請保前來臣覆加察核
除本案外其在河州肅州續著戰功者彙入各案列保
以免重複謹繕具清單恭呈

御覽合無仰懇

大恩俯准照單給獎以示鼓勵所有文武弁勇丁均係
臨陣打仗克復城池擒斬首要各逆邀免分註考記其
藍翎千總以下各弁另彙單咨部并請
勅部註冊俾得同被

恩施謹恭摺具陳伏乞

皇上聖鑒訓示施行謹

奏

同治十三年六月二十六日

硃批另有旨欽此

敖天印請開復原官片

再查已革副將敖天印自同治二年在豫擅自離營經
前河南撫臣張之萬奏參革職三年後因關殺孫之友
一案經張之萬請

旨飭拏審辦四年該革員自募勇入關隨同克復西安

府城并收撫回日馬聲燕楊文志五年前署督臣穆爾
善不知其犯案之由爲該革員

奏請開復六年復將該革員擬保洮岷協副將七年又
於克復狄道州城案內將該革員

奏保以總兵記名簡放均經部臣

奏請撤銷令穆圖善迅解該革員歸案訛辦等因九年
臣以該革員在甘帶兵尙屬得力所部乏員接帶請暫
行留營效力十年臣以該革員奮勉異常每戰必克又
請免其解豫審辦上年二月臣於克復巴燕戎格廳擒

獲馬桂源兄弟案內又請將該革員

交部議敘均奉

旨俞允在案茲據臣營總理營務處前山西按察使陳

湜及各營統領以該革員歷年隨征戰功疊著懇

奏請開復前來臣維教天印所犯之案久經張之萬凱

明監候待質之赦明愷敗高陞郭聯陞三犯正法抵罪

雖案情重大放天印罪有應得而該革員在甘肅多年

年著有勞績若始終不予以自新似無以昭激勸而策

後效可否籲懇

出
天恩准將已革副將敖天印開復原官以示鼓勵之處

鴻慈謹附片陳明伏乞

聖鑒訓示施行謹

奏
同治十三年六月二十六日

硃批兵部議奏欽此

遵旨

開單報銷摺

奏爲遵

旨開單報銷恭摺具陳仰祈

聖鑒事竊

臣

前因餉款日繁鉅請從同治五年奉

命調督陝甘起截至十二年肅州克復彙爲一案懇援
照兩江貴州成案開單報銷俾得核實辦理以歸簡易
而免欺飾各情於同治十二年十二月初十日由驛具
陳同治十三年正月初三日准兵部火票遞回原摺奉
硃批著照所請該部知道欽此等因仰見

皇上洞鑒情實尙質黜浮至意下懷欽感莫可名言此
經_臣恭錄轉行各臺局欽遵照辦茲據辦理陝甘後路
糧台道員王加敏辦理駐陝軍需局道員沈應奎會銜
詳稱同治五年_臣奉

命督辦陝甘軍務於是年十月由閩整隊經鄂豫入秦
旋赴直東剿捻復入關度隴辦同一切餉項支發自五
年十月初一日起統截十二年十二月底止彙爲一案
收款以奉撥部帑并各省關協餉爲大宗其次則捐輸
稅釐丁課及商號挪借各營兵勇截曠台局扣收平餘

諸雜款與夫甯夏將軍穆圖善西甯辦事大臣豫帥固
原提督雷正綰各軍專餉由臣統收分撥者有應劃歸
穆圖善豫師自行造報之款有應歸陝甘軍需局司道
另案造報之款一併分別劃清外茲通截至十二年底
止共收銀四千五十九萬八千一百四兩五分六釐九
絲四忽此入款之實數也支款自同治五年十月初一
日起以陸續招募馬步土客各營薪糧並酌補歷前任
積欠薪廉餉卹爲大宗次則水陸轉運船隻車駝夫騾
腳價醫撥解餉銀滙費又次則採辦軍糧米麩麵料柴

草軍裝軍火洋土鎗礮子藥銅帽旗幟號衣帳棚以及
戰馬駱駝馱騾鞍韉車兩什物等項又次則各軍郵賞
養傷及兵民屯墾漢回安插賑恤州縣驛站津貼商號
息借各款又次則隨營辦事各台局當差文武員弁薪
水書役工匠護勇口糧并紙張油紅等費通截至十二
年年底止共支銀四千一十四萬八千五百三十兩九
錢二分二釐五毫七絲七忽二微此出款之實數也以
出抵入尙存銀四十四萬九千五百七十三兩一錢三
分三釐五毫一絲六忽八微應歸十三年正月起以後

支用造報而欠發十二年年底以前之款各營軍餉則實欠銀八百二十五萬九千八百二十兩零二錢零二釐三毫二絲六忽各營傷亡弁勇卹養則實欠銀三十八萬七千二百九十六兩三錢二分七釐又入款項下列收挪借商號銀九十八萬九千三百四十兩均係實欠應還之款應統俟十三年正月起以後收到協卹陸續撥還另案浩報以清起訖據王加敏沈應奎等會詳并開具清單請核明具

奏前來臣維此案報銷歷八年之久支發併爲一單款

目積而成鉅其中請銷之款雖係據實開陳而按之例
章既多不合且爲東南用兵各省成案所無若一律
合例案則西北與東南時地既有不同支銷固難一律
卽就秦隴而論隴之艱窘倍甚於秦兩省情形已大相
懸絕而事在必需卽例所不支之款亦不容顧惜而稍
涉掎泥故臣前奏援兩江貴州成案籲請開單報銷亦
深慮支發不合定例有礙部章挪掩湊合又蹈欺罔不
得不披瀝直陳俾得實事求是以歸簡易幸荷

聖明鑒察准予開單報銷茲據該台局欽遵辦理開單

會詳前來

臣覆核無異謹遵

旨將同治五年十月由閩帶隊啟行起至十二年肅州克復截至年底止收支各款彙爲一案繕具簡明請單恭摺敬呈

御覽伏乞

皇上聖鑒訓示謹

奏

同治十三年六月二十九日

謹將同治五年十月由閩整隊經鄂豫入秦旋赴直東復由秦度隴剿辦捻回各匪至十二年肅州克復所有

收發軍餉統截至年底止彙爲一案開具簡明清單恭
呈

御覽

計開

一收山東省自同治六年七月起至十二年底止共
解到協餉銀七十六萬五千兩

一收四川省自同治九年六月起至十二年底止共
解到協餉銀三十九萬二千二百兩

一收福建省自同治五年十月起至十二年底止共

解到協餉銀三百八十八萬兩

一收浙江省自同治五年十月起至十二年年底止共解到協餉銀六百八十七萬兩

一收廣東省自同治六年三月起至十二年年底止共解到協餉銀三百九十七萬五千二百二十兩

一收湖北省自同治六年二月起至十二年年底止共解到協餉銀二百七十六萬三千三百二十八兩一錢九分四釐九毫八絲七微

一收湖南省自同治五年十二月起至十二年年底止

共解到協餉銀十萬八千六百十七兩五錢七分三釐
四毫

一收江蘇省自同治六年七月起至十二年年底止共
解到原協並添撥協餉銀二百五十四萬五千兩

一收江蘇省自同治八年十月起至十二年年底止鹽
釐項下續增甘餉由湖南督銷局扣撥共解到銀五十
四萬兩

一收江蘇省同治十二年十二月內解到釐金項下奉
撥十二年分年關專餉銀二萬兩

以上三項共收過江蘇省協餉銀三百十萬五千兩

一收安徽省自同治八年三月起至十二年年底止共解到協餉銀五十萬兩

一收江西省自同治五年十二月起至十二年年底止共解到原撥協餉銀一百六十八萬兩

一收江西省自同治八年四月起至十二年年底止共解到添撥協餉銀二百四十萬兩

以上二項共收過江西省協餉銀四百八萬兩

一收江海關海江漢粵海浙海各關自同治七年十月

起至十年七月止共解到奉撥六成洋稅銀一百萬兩
查前項內江海關解到銀五十萬兩閩海關解到銀二
十萬兩江漢關解到銀十五萬兩粵海關解到銀十萬
兩浙海關解到銀五萬兩共合符原撥一百萬兩之數
合併陳明

一收山西省自同治六年六月起至十二年年底止共
解到協餉銀一百二十七萬九千五百五十兩

一收山西省自同治七年正月起至七月底止共解到
協濟西安將軍庫克吉泰軍餉銀四萬兩

以上二項共收過山西省協餉銀一百三十一萬九千五百五十兩

一收山西河東道自同治七年十一月起至十二年年底止共解到鹽課項下提撥甘餉銀一百五十四萬兩查前項內係同治七年間奉提銀二十萬兩又收該道解甘銀七萬兩又收奉撥戊辰綱銀三十四萬兩又收己巳綱解蘭銀十萬兩又收庚午綱銀三十四萬兩又收辛未綱銀三十四萬兩又收壬申綱先行解到銀十九萬兩合符前數合併陳明

一收河南省自同治六年十一月起至十一年年底止共解到協餉銀七萬九百四十兩

一收戶部同治七年三月內撥解軍餉銀二萬二千兩查前項原共撥解銀五萬兩內除直隸省留用銀二萬九千兩應由該省列收造報俾免重混外實祇收銀一萬一千兩合併陳明

一收陝西藩司同治九年十二月內解到邊平金積堡賊巢分賞勇丁銀六萬兩

一收閩海關自同治九年二月起至十一年年底止共

解到專協固原提督雷正綰軍需銀九十萬兩

一收陝西藩司自同治八年六月起至十二年年底止
共解到津貼雷正綰軍餉銀二十六萬兩

一收山西河東道自同治十年三月起至十二年年底
止共解到奉撥雷正綰軍餉銀十四萬兩

以上三項共收專協雷正綰軍餉銀一百三十萬兩

一收山東省自同治九年八月起至十一年正月止共
解到協撥西甯月餉銀十萬兩

一收河南省自同治九年八月起至十一年六月止共

解到協撥西甯月餉銀六萬兩

一收江蘇兩淮運庫自同治九年九月起至十一年七月止共解到協撥西甯月餉銀三萬八千兩

以上三項共收西甯月餉銀十九萬八千兩

一收江海關自同治十二年十月起至十二月止共解到奉撥十二年分年關專餉銀十三萬兩

一收江漢關同治十二年十一月內解到奉撥十二年分年關專餉銀十萬兩

一收粵海關同治十二年十一月內解到奉撥十二年

分年開粵餉銀五萬兩

一收湖北省並江漢關於同治六年四月及七年六月內先後解到協陝軍餉銀二萬九千六百五十二兩五錢九釐七毫

一收綏遠城將軍定安採運賑糧報銷案內撥交各款銀二萬六千二百二十二兩五錢七分四釐三毫八絲八微

一收前甘肅後路糧臺陝西藩司林壽圖第三案報銷案內墊支不敷銀二萬二千五百二兩八錢四分六釐

一毫四絲九忽

一收甯夏將軍穆圖善甘南各臺局自同治八年十二月起至九年二月止共移交秦台餘贍各款銀七萬七千二百九兩五錢一釐二毫五絲

一收山西省同治七年四月內解到協濟湖廣總督李瀚章軍餉銀五千兩

查前項銀兩係李瀚章奉撥解交待衛陳國瑞提用之款至今未准提用是以先行列收合併陳明

一收直隸軍需局同治七年七月內借撥吉林馬隊費

長喜昌銀三千兩

一收陝西軍需局同治七年七月內借撥吉林馬隊翼
長喜昌銀一萬四百兩

一收甘肅藩司自同治八年十一月起至十一年年底
止共作解各州縣地丁稅課銀十萬三千四百八十四
兩一錢二分三釐四毫

一收甘肅各處稅釐局自同治八年十二月起至十一
年年底止共解到釐稅銀二十萬二千五百四十五兩
八分七釐五毫

一收甘肅惠安堡鹽局自同治十一年十一月起至十二年六月止共解到鹽釐銀九千九百七十九兩九錢九分三釐

一收統領長江水師前兵部侍郎彭玉麟委員解到協陝甘軍餉銀二萬兩

一收浙江省自同治十年十月起至十一年三月止共解到已革道員楊坊之子三品銜候選郎中楊寶鎔捐軍餉銀十六萬九千二百三十五兩

一收前兩廣鹽運使鍾謙鈞解到捐助賑撫肅州難民

銀二萬兩

一收陝藩司自同治七年十月起至八年三月止共解到各屬富紳捐借軍餉銀二十一萬兩

一收湖南米捐局自同治八年起至十年四月止共解到甘肅分成米捐銀八萬九千九百七十二兩四錢八分二釐

一收江西捐輸局自同治八年五月起至十二年三月止共解到甘省分成米捐銀二十萬七千十八兩六錢九分一釐七毫五絲

一收四川省自同治七年三月起至九年十月止共撥解分撥甘省米捐銀七萬一千八百八十三兩

一收山西太原運城兩局自同治七年十二月起至八年七月止共撥解分撥甘省米捐銀五萬一千五百九十八兩二錢六分一釐二毫一絲四忽

一收陝西捐餉總局自同治七年九月起至八年十月止共撥解代辦甘省米捐銀七萬四千一百四十五兩三錢六分

一收辦理西征糧台兼管甘捐總局袁保恆自同治八

年五月起至十二年年底止節次解到總局并各省分局報收甘捐本色米石并折色及照陝章半米半票等項應合銀兩內共收總局報收米捐合銀二百四十六萬八千八百二十五兩九錢二分

一收福建分局報收米捐合銀六十五萬八十九兩一
一收浙江分局報收米捐合銀十六萬二千六百三十八兩一錢五分

一收山西太原分局報收米捐合銀五十萬四千一百三十八兩五分四釐

一收山西運城分局報收米捐合銀二十萬一千二百五十七兩八錢二分

一收河南分局報收米捐合銀四十七萬七千四百七十六兩二錢八分

一收河南南汝光分局報收米捐合銀八千六百六十四兩八錢八分

一收河南彰德懷分局報收米捐合銀八萬五千九十二兩二錢八分

一收湖南分局報收米捐合銀六萬七千十八兩

一收湖北分局報收米捐合銀十八萬七千九十五兩
一收山東濟南分局報收米捐合銀四十五萬九千五百五十一兩六錢四分

一收山東濟甯分局報收米捐合銀二十二萬一千六百三十三兩八錢

一收山東登萊青分局報收米捐合銀十五萬九千四百五十五兩四錢四分

一收江蘇上海分局報收米捐合銀十八萬七千九百六兩四錢五分八釐五毫

一收江蘇江甯分局報收米捐合銀十萬九千七百一錢四分

一收江蘇楊州分局報收米捐合銀十五萬二千七百八錢

一收四川分局報收米捐合銀三十四萬六千八百一兩三錢八分

一收廣東分局報收米捐合銀三千四百三十五兩一錢八分

一收甘肅秦州分局報收米捐合銀六萬六千五百六

兩一錢二分

以上十九項總共收過袁保恒解送總局並各省分局
報收米捐共合銀六百五十一萬八千一百五十五兩
三錢四分二釐五毫查前款內上海米捐計共收陝章
半米半票正項銀三百七萬四百五十三兩八錢三釐
共收監從翎枝贖罪正項銀五十五萬五千六百九十
五兩一錢八分共收本色米一百三十五萬七百二石
七斗五升二合應合正項銀二百七十萬一千四百五
兩五錢四釐以上四項合符前數合併陳明

一收同治七八兩年節次挪用陝西應分各項米捐銀
八萬八千七百八十兩五錢五分九釐七毫五絲

一收革員陳兆蘭共繳出前辦甘南軍裝局短少軍裝
銀五千五百七十一兩三錢五分二釐一毫

一收已革縣丞黃必恭繳出前辦乾州轉運局虧挪各
款銀四千十八兩九錢三分二釐

一收各員捐助運費賑款銀二萬五千八百四十九兩
六錢五分七釐

查前項內富平知縣孫毓林捐繳軍驟運費銀四千三

百二十九兩涇陽縣紳士姚惠捐運費銀三千兩陝西候補同知李芬捐賑濟銀五千兩前任秦州知州崔國錦罰繳賑款銀七千二百三十八兩秦州民人余德輝罰繳賑款銀三千七十二兩李毓琰罰繳賑款銀三千二百十兩六錢五分七釐共符前數合併陳明

一收陝西軍需局自同治七年十二月起至十二年年底止共到解陝軍各營應支陝餉銀五十九萬六千九十一兩二錢九分四釐六毫

一收各營兵勇截贖項下銀十八萬四千四百七十六

兩七釐七毫

一收支放採辦製造各款共扣平餘銀二十一萬六千三百七十二兩八錢九分四釐八毫九忽五微

一收十二年冬閒由上海鄂陝等處都借各商號錢九十八萬九千三百四十兩

以上四十九款共收銀四千二百二十六萬一千三百六十兩二錢三分九釐一毫八絲四忽內除節次分撥轉解甘省並甯夏以及由鄂徑行撥交穆圖善委員領解江蘇協餉等項共銀一百三十六萬三千九十一兩

五錢四分三釐九絲應歸甘省另案作收造報又撥解
西甯辦事大臣豫師軍餉銀二十六萬一百六十四兩
六錢四分仍應由豫師自行報銷又借撥陝西辦理北
山賑撫銀四萬兩應由陝西撥還以上三項共除銀一
百六十六萬三千二百五十六兩一錢八分三釐九絲
外實共收銀四千五十九萬八千一百四兩五分六釐
九絲四忽

一支發楚軍馬步各營并各起護軍土勇暨甯夏將軍
穆圖善固原提督雷正綰所部各軍自同治五年十月

起至十二年十二月底止共發過兵勇口糧銀二千三百九十六萬五百九十四兩八錢一分六釐七絲六忽查前項口糧結算至十二年十二月底止尙共欠發銀八百二十五萬九千八百二十兩二錢二釐三毫二絲六忽合併陳明

一支發由上海及湖北陝西等處起解并由行營撥解各軍餉銀糧米軍裝軍火等項需用船隻車駝夫騾腳價并滙解餉銀支給滙費等項自同治五年十月起至十二年十二月底止共銀七百五十五萬九千一百五

十七兩八錢九分四釐七毫五絲七忽二微

一支發採買製造軍裝軍火旗幟號衣帳棚并洋鎗洋礮手藥銅帽等項自同治五年十月起至十二年十二月底止共工價銀二百六十一萬四千三百九十九兩八錢二分八釐五毫九絲五忽

一支發採買軍糧米麩麩料柴草價值等銀除轉發各營扣回價銀外實計自同治五年十月起至十二年十二月底止共津貼糧價銀二百五十八萬千三百十四兩四錢四分九釐二毫五絲九忽

一支發隨營辦事文武及各台局當差員弁薪水書役工匠護勇長夫口糧紙張油紅等項自同治五年十月起至十二年十二月底止共銀九十六萬五千八十四兩九錢七分一釐

一支發採買戰馬駱駝馱騾製辦車騾鞍屨什物喂養等項價值自同治六年起至十二年十二月底止共銀七十八萬一千一百八兩四錢二分

一支發借用洋商銀兩議給利息自同治六年起至十二年十二月底止共銀十八萬八千二百五十七兩七

錢九分八釐

一、支發招募各營弁勇經費及沿途行走小口糧自同治五年十月起至十二年十二月底止共銀二十九萬八千三百四十七兩一錢九分三釐八毫

一、支發各營陣亡受傷弁勇并酌補歷前任積欠卹賞養傷等項自同治五年十月起至十二年十二月底止共銀二十六萬四千九百五十一兩四錢六分八釐九毫九絲前項卹賞養傷等項現截至十二年十二月底止尚共欠發各營銀二十八萬七千二百九十六兩三錢

二分七釐合併陳明

一支發押運餉銀軍火員弁水陸川資及採辦各項委員盤費等項自同治五年十月起至十二年十二月底止共銀三十一萬六千五百二十六兩八錢八分五釐四毫

一支發各處屯墾經費採辦耕牛籽種價值并漢回安插賑濟等項自同治六年起至十二年十二月底止共銀三十八萬五千五百六十三兩三錢八分四釐八毫一支發各州縣津貼辦公並酌補歷前任卽入薪廉及

添設驛站購買驛馬各項經費自同治六年起至十二年十二月底止共銀二十三萬六千二百二十八兩八錢一分一釐九毫

以上十二款通共支發銀四千十四萬八千五百三十九兩九錢二分二釐五毫七絲七忽二微以發抵收實在銀四十四萬九千五百七十三兩一錢三分三釐五毫一絲六忽八微應歸十三年正月起支用報銷而截至十一年年底止實共欠發各營軍餉銀八百二十五萬九千八百一十兩二錢二釐三毫二絲六忽實共欠發

各營受傷陣亡弁勇卹賞養傷銀二十八萬七千二百
九十六兩三錢二分七釐又收款項下共由上海鄂陝
等處挪借各商號銀九十八萬九千三百四十兩以上
三款均應在於十三年以後收到餉銀款內陸續撥還
另案開報以清款目合併陳明